


姑溪居士全集

六



姑蘇居士全集

六



集全士居溪姑

(六)

撰儀之李

王雲五主編

叢書集成初編

姑溪居士全集

六冊

中華民國二十四年十二月初版

撰者 李之儀

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

*C六二五九

翁

大

士

姑溪居士後集卷第十二

絕句七言

杏花白鷗

朝來雨過發妖妍。向日枝頭雪作團。縞練長拖輕灑墨。不須將作兩般看。

竹鶴

瘦玉蕭疎觸處宜。仙風一霎散霜威。未應舞罷排雲去。更看丹砂理雪衣。

黃精鹿

綠遍前峰到後峰。靈苗厭地幾千重。句班養就無人見。多少狂心欲採茸。

荷葉龜

翠蓋相扶兩不欹。多情獨許見陽窺。千年自有逃形處。聊與清香約暫時。

惠崇扇面小景二絕

耳冷無人唱竹枝。歸心惟有夢魂知。楊花撲面烟波闊。猶記征帆欲卸時。
風高雨暗不成羣。欲下還飛似畏人。已是卻尋歸去路。江南休笑水知春。

讀華嚴經三絕

紛紛作客不歸來。樹本無根何處栽。彈指未應超十地。重重樓閣一時開。
老境侵尋上砌苔。自然生意不應栽。便應烈日鱗^原去。能得愁懷幾度開。
法令端如萬頃陂。後來無法只趨時。早知興廢無非命。可笑穰侯見事遲。

學書十絕

雨後堦庭物物新。睡餘欹枕悄無聞。只疑日腳隨人意。百刻香纔過一分。
簾波不動地無塵。久與相親燕雀馴。似怪衰翁長靜坐。時時回眼輒疑人。
未逢四祖且堆堆。纔見龍潭便眼開。龍去潭空人自老。啣花百鳥漫飛來。
閉門不語信深湛。豈可譏時作酒箴。料得門前無好事。解嘲聊復寄初心。
不堪細字眼尤花。熟睡分明暫到家。何獨能收小兒淚。客中時可當乘槎。
玉壺試叫鴛鴦語。爲問仙家似此無。養就丹砂早歸去。不妨閒處作功夫。
大人相好一百種。幾劫修來得到今。不獨普賢能演說。淘沙個個得精金。
萬里無雲天一色。單衣不試似初春。鵲鈴習習遊絲墜。未必他時得此身。
歌詞謾與收狂念。詩句聊將代欠伸。鉤棘徒勞劖胃腎。筆頭纔住已成塵。
心非可見舌能陳。隨語成章自有神。用作功名終底事。區區雕琢定痴人。

故人李世南畫秋山林木平遠三首和韻

晚烟拂拂聚無痕。瘦骨稜稜見微根。細露縈紆飢馬疾。舉頭新月是前村。曾經歲月幾華夷。雨貌風顏茂晚姿。自是雪霜心共老。筆頭聊復戲孫枝。霜清木落見沙洲。洲上人家半在舟。射雁歸來魚滿笱。甕中先更問扶頭。

出院有期

親舊相逢似隔時。從今無復念歸期。莫同更寫留連恨。只擬添成百首詩。

再和觀畫三首

掃除不盡自無痕。底事狂緣尚有根。幾日原缺圖畫裏。祇緣歸思在江村。何時船上載鷗夷。海道聊尋一問姿。不爲丹青生着相。從來卷曲是吾枝。欲問船師覓寶洲。須將大瓠作腰舟。掀天白浪蛟龍吼。纔得隨流一點頭。

路西田舍示虞孫小詩二十四首

雪上歸來過了春。枝頭杏子可嘗新。旋追老酒醫佳況。更謝提壺解勸人。一春霖雨不曾休。雪雹驚人四月頭。初製單衣方待着。卻添爐火換重裘。夢回簷滴不聞聲。殘月披窗分外明。投老逢春能幾許。不堪催去與誰爭。扶老相邀到隴頭。麥苗如洗未全抽。願天不雨只一月。聊慰艱辛望半收。栽桑插柳展溝塍。共趁清明力倍增。分得只般窮伎倆。卻應苦行過于僧。

修車浸種一番忙。肚熱鄰家見早秧。飽飯未驚心已懶。方知生計要商量。
一生着得幾兩屐。一飽消得幾多糧。怕雨望晴心不歇。白頭搔盡眼望羊。
須知官職爲他人。老去何妨可問津。賓客歡娛童僕飽。到頭活計定誰親。
從來人說水晶宮。投老方能到眼中。未必吾生使休去。溪山隱去再相同。
鵝兒成隊草成茵。來往馴鴉喜趁人。卻恐城中無此況。莫辭辛苦且逡巡。
塵塵柔條動懿篴。森森初穗弄微黃。引鷁飛去蒙朝雨。帶犢歸來臥夕陽。
東園掃場方整歇。插秧車水又相催。衰年樂得身強健。常願南山到眼來。
蘆已藏人水鳥喧。草堪留坐午風寒。從來偏得田家趣。折莫催歸興已闌。
雨後西風日日顚。重裘猶自覺輕單。春寒秋熱江南候。四月如何尙有寒。
轉午風休陡覺暗。綿衣脫盡旋開軒。乍寒乍熱難調御。厚薄隨時體自安。
見事遲來五十年。何須投老念艱難。暖衣飽食無過此。誰是鮎魚上竹竿。
販春蘿擔雁行來。任是因塵亦易推。一歲艱勤方有味。較量猶勝上燕臺。
朝衣行市頭顚落。六印垂腰手足分。旋煮河豚加鰲膾。爭如閒處醉醺醺。
荷錢貼水蠶如蟻。稻似針芒莧未丹。牛角叩殘歌轉茲。請看平地有波瀾。
百事無能一老夫。十年江上把犁鋤。西莊南畝時來往。常得青山在坐隅。

青山于我豈無因。到處擡頭便見親。時更一班逢好句。元暉端恐是前身。坐歎宣城迹已賒。青山今日屬寒家。多情賓客門如市。不獨風流解染花。數畝田荒積漸耕。常憂壩損害垂成。傳聞趙魏推盟主。便覺如雲照眼明。水已平隄柳已綠。洞房猶記鎖嬋娟。彩雲易散春常在。啼鳥留人尙可憐。

余旣觸罪罟。遂與時忘。求所以寄其餘坐者。無如躬耕爲可樂。適有田數頃。分兩處。或舟或車。往來其間。隨時抑揚。以寓其所樂。而地薄農拙。種種輒身履之。然天時一不相契。則其力至于數倍。雖終歸于有數。要是營求完補。幾頃刻不得暇。旁視若不余堪。而我之樂常在也。比自湖州歸。邂逅所值者如此。因以其勞苦之餘。發爲呻吟。隨得隨緝。得二十四篇。與田夫踏歌無異。要乃借以自舒。則其流皆爾也。虞孫遠來相顧。以此軸見邀。作草字字非所工。又無以充之。遂寫以塞責。庶幾余所樂者從而可見。異時相攜于其間。當知無一字虛設。政和五年五月十七日。

蒙寵惠朋樽。深佩眷意。聊奉一噓。

萬國衣冠拱醉容。鈞天夢斷失雲龍。多情尙寄當時約。宛似闍黎飯後鐘。伯成已歸。尙阻雨會聚。聊申短唱。容易一笑。

髯友新從塞上回。中元罇阻未能開。更堪庭竹添幽思。只欠清風玉雨來。

試筆柬趙德麟二絕

姑溪居士後集 卷第十二

河朔初辭纓折骸。都城還許謝煩埃。日長窮巷春歸後。萬綠陰陰鎖吹臺。
窗間多病委枯骸。陌上初收雨後埃。公子風流過京兆。正堪眉嫵傍妝臺。

姑溪居士後集卷第十三

絕句七言 六言

次韻見寄兩絕

江湖流落久相依。每歎朱顏戲彩衣。何事淚痕書上見。他年千隴約同歸。
七分年紀十分愁。物理乘除不自由。死葬生遊今得地。卻嗟無計共遲留。

贈人

雙雙小葉襯花房。只鬪花房不鬪雙。拾得不教同伴見。袖中拈出一齊降。

再和仇粹夫

曾寄冰綃十幅開。竹間紅藥燕啣來。黃筌已去風流盡。忽見詩翁筆下催。
面面軒楹壓水開。暑天端恐雪飛來。冰肌玉骨元無汗。更倩殷勤執板催。

祈澤寺龍池

池方一尋深寸許。泉脈涓涓縈砌臺。聞道旱天能作雨。定應變化自何來。

題虞氏外孫扇

處已莫辭三徑陋。讀書須及五車多。成吾宅相非吾志。直欲五門備四科。

失題二絕

投老還家。髀肉消。霜天何處換金貂。一樽帝所歡猶在。翻恐醒來尙寂寥。

楚國會聞照乘珠。間因濟盜取爲娛。人亡人得何須計。端有龜腸恨晚廚。

腸。蟬腹。可俾一戰遂潰去。

次韻子椿五首

會次定多古語。筆端無復時流。飭餽若非投分。崎嶇可共經丘。
昨夜中秋好月。今朝類試終場。遙想客窗對酒。未知野飯同堂。
踏碎瓊瑤聊步。行陪笑語多時。一段難逢往事。五篇消得新詩。
龍欲興雲致雨。虎能墮地能班。端是便騎賜馬。不須深戀家山。
附見誰爲鄒湛。獎成無復山濤。豈敢遽名此地。不如且醉歸舫。

又次韻三絕

款步昔陪下澤。劇談今媿高流。又喜秋來相見。暫同南陌東丘。
華屋暫離星斗。滄江歸弄波濤。可得遽傳來信。便知卻整還舫。
早日能詩傳喜。新來投筆從班。身世且依魏闕。烟雲休戀鍾山。

挽詞

旌德王承議挽詞

彭蠡湖邊一笑初。綠衣相見論葭葦。四千里外空搔首。三十年間屢攬鬚。方卜他時共蘭若。豈知今日奠生芻。窮途只有思君淚。無復吟君屋上烏。

錢君倚夫人仙源郡君挽詞

春生復秋落。物物猶帝力。哀哉劬勞恩。自藟至誠實。棘心詠詩人。常恐一旦失。何乃不我報。皎皎如白日。痛哉胡爲生。每念氣填臆。仰君猶長庚。華髮萃衆德。歲時捧金樽。門戶幾萬石。常云我有子。未易先尺璧。伯仁非碌碌。到此輒自惑。庶幾德有相。睥睨莫我逼。頗聞君有言。既跌不見謫。李杜苟齊名。死且不足惜。熟不斯言愧。謂君壽無極。豈知屬續書。何爲在吾側。堂堂古益友。千載同此室。撼鐸儻能參。我淚不虛滴。

俞清老挽詞二首

生涯真斷梗。身世委虛舟。直欲超千劫。都將付一漚。縱橫無滯礙。遊戲任沉浮。報盡隨緣去。聊從一笑休。寒食相披拂。方時欲適然。君應尋故約。我亦赴新阡。但怪沉來雁。那知已逝川。風流有千里。未愧昔人賢。

陳氏母夫人挽詞二首

白首嚴冰雪。清風逼里閭。空殘貝葉偈。不見錦囊書。表表名終在。詵詵慶有餘。會如華夏約。他日看高車。子令空毀孫。賢我故欽成。家信如玉傳。世果非金不作尋常去。方知積累深。天花長滿穢。應悟本來心。

雜挽詩四首

報地三千籙。年光八十春。卻尋來處路。重接社中人。杖履空平日。幃幃想去塵。蓮開布金底。又見一番新。方報先同穴。俄聞改葬期。祇應偕老約。不擬異他時。已矣如何憾。賢哉有賸悲。會看松柏路。賜篆聳豐碑。漢室傳經後。唐朝舊族家。柔明惟典則。專靜輟紛華。得配同高壽。流光固未涯。定應知去路。門外列三車。子令欽平昔。多慚接後遊。升堂稱有志。執奠歎無由。逝水空歸壑。春風忽變秋。蕭聲到原盡。千載想風流。

詞

次韻子瞻追和淵明歸去來

歸去來兮。吾其老矣。何時歸。悟鳬鶴之長短。鑒斷續之哀悲。悵野馬之過隙。雖絕足而甯追。予行年五十有五。蓋知五十四年之非。須前因以命駕。豈大寒而方衣。茲物理之必至。又何資于發微。吾家不遠。可跂可奔。解我簪紱。卽吾蓬門。里閭雖異。室廬具存。稱所有以取給。尙奚擇於餅樽。課童僕以供役。玩幼稚而開顏。將有限以加節。冀無適而不安。從賓客之寥戶。任風雨之當關。足可及而必到。目可盡而必觀。非梁燕與庭鵲。孰朝往而暮還。寄終日於冗冗。絕安心之桓桓。歸去來兮。聊隨緣以遨遊。何吾鄉之必歸。姑稍足而無求。等天地于逆旅。曷此樂而彼憂。有客過門而問予。何不返乎先疇。羊腸縱轡。夜壑移舟。空斷梗之因風。昧死狐之首丘。但俯仰以託物。徒上下以通流。予旣謝夫不敏。願進言而少休。已矣乎。候蟲以其能知時。禍生有住。神豈留。羨其可久。將安之。焉用必歸去。自修乃其期。想荒蕪之云鑿。時載耨而載耔。幸灑然而無着。遂寓懷於此詩。豈前人之敢及。庶知予自信而不疑。

朝中措

望新開湖有懷少用樊良道中韻

新開湖水浸遙天。風葉響珊珊。記得昔遊情味，浩歌不怕朝寒。故人一去，高名萬古，長對孱顏。惟有落霞孤鶩，晚來依舊爭還。

又樊良道中

敗荷枯葦夕陽天。時節漸闌珊。獨泛扁舟歸去，老來不耐霜寒。平生志氣，消磨盡也，留得蒼顏。寄語山中麋鹿，斷雲相次往還。

臨江仙

江東人得早梅見約探題且訪梅所在同攜賸管就賦花下

初破曉寒無限思。融融臘意全迷。春工從此被人知。不隨蜂蝶，長伴玉蟾低。縹緲雲間應好在，盈盈淚濕征衣。背人偷向東枝，清香滿袖，猶記畫堂西。

又

病中存之以長短句見調因次其韻

病裏不知春早晚。驚心綠暗紅稀。起來初試薄羅衣。多情海燕，還傍舊梁飛。瘦損沐文誰記得，空將銷臂頻圍。眼前多是去年時。不堪追想，魂斷畫樓西。

蝶戀花

席上代人送客因載其語

簾外飛花湖上語。不恨花飛，只恨人難駐。多謝雨來留得住。看看卻恐晴催去。寸寸離腸須會取。今日甯甯，明日從誰訴。怎得此身如去路。迢迢長在君行處。

姑溪居士後集卷第十四

贊

觀世音贊

大慈大悲大威德。補陀落山住孤絕。三界輪迴苦熱惱。一聞我名自清涼。名雖可聞見不得。隨所建立卽如見。施者受者不退心。常如心在光明裏。

維摩居士贊

毗耶離城。此去幾許。一觀慈光。如到其所。八萬四千。翻風駕雨。枯者卽榮。墮者斯舉。周徧恆沙。了無一語。慧嚴永長老贊

我昔同登法雲地。道場不異耆闍山。指出後身自在通。當日曾聞新受記。秀眉明目壞色衣。誰其寫作比丘相。只這便是紫金容。在在處處咸恭敬。

西庵琳老真贊

西庵老人誰不贊。歎東轍西蹊。路頭坐斷。維三昧力。化身千百。北雨南雲。青天霹靂。豈待形容。何處不見。須知鬧市裏。便是百草頭薦。

常州薦福瑁老真贊

陸有梅
甚古